

յետոյ, եղած է բիւրաւոր Հայկազանց գաղթականութիւնը յԱքսերայէ: Յիշատակարանը կը յաւելու. « Ուխտ դնեն ընդ իշխանին Տէօդօսիու, ելեալ ի » յԱխսարայէ իշխանք և ազնիւք (հայկազունք) և » հասարակ ժողովուրդք՝ վառեալք զինու, պատե-
« րազմելով ընդ թաթարացն ճեխքեալք գան ի Ղաիմ » և բնակեն ի Տէօդօսիա, ի Կազարաթ և ի « Սուրխաթ և ի Կողմանս սոցա. այս եղև ՉԾԹ » (1330) թուին »:

Ուշադրութեան արժանի են յիշատակարանիս խօսքերը, « վառեալք զինու » գաղթականաց մէջ բազմութիւն հայ զինուորաց եղած են, իրենց սպայներով, խմբավարներով և զօրագլուխներով. զի քիչ ժամանակ վերջը, աստի ի Կաֆայէ 40,000 հայ զինուորներ անցել գնացել են ի Փոտոյեան Կամենից, պաշտպանելու այն հայկական քաղաքը, ընդդէմ յարձակմանց թաթարաց, լուծելով միանգամայն Անույ կործանման վրէժը: Ըստ յիշատակարանին « Պատերազմելով ընդ թաթարացն ճեխքեալք գան ի Ղաիմ »:

Անշուշտ թաթարք ամենայն ջանք արել են, որ ի թաթարստան մնան, և բիւրաւոր հայ աշխատասէր ժողովուրդը, շէնցընեն և մշակեն իրենց անապատները: Սոյն այս դէպքը պատահել է 1778 ին ևս, երբ զրիմեցի հայկազանց հրաման եղել է, թողուլ այն աշխարհքը և երթալ բնակիլ ի Ռուսաստան. տեղացի թաթարք ամենայն ջանք ի գործ դրել են, արգել լինելու Հայսց գաղթականութեան ի Ղաիմէ, այլ ի զուր: Յիշատակարանիս գրուցած տեղուանք, ուր հոծ խիտ առ խիտ բնակել են Հայկազունք, արևելեան — հարաւային մասունք են թեւրակղզւոյն. Կազարաթ և Սուրխաթ մօտ են Կա-